

Telefoqarnermut kiffartuussinermik atuisunut malitassat

- Atuisut ataasiakkaat –

Januar 2014

Imai

1. Atuisunut malitassat atuuffiat	3
2. Pisariaqartinneqartut.....	3
3. Tusass-p pilersuisussaataitanera	3
4. Atuisunut isumaqatigiissut	4
5. Atuisup akisussaaffia	4
6. Atuisup sumiginnaanera (Tusass-p matusisinnaatitanera)	4
7. Atuutilerfia.....	4

1. Atuisunut malitassat atuuffiat

Ingerlatseqatigiiffiup akuersissummik pigisaqarnera naapertorlugu Tusass-mit neqeroortigineqartumut telefoneqarnermut kiffartuussinermik atuinermut atuisunik ataasiakkaanik aamma inuussutissarsiummik ingerlatalinnik minnerusunik isumaqatigiissutinut atuisut immikkut malitassat tulliuuttut atuupput, Tusass-p Atuisunik ataasiakkaanik kiffartuussineranut ingerlatsineranullu Atuisunut malitassanut nalinginnaasunut tapertatut.

Allamik immikkut taasaqartoqarsimanngippat, malitassat uku PSTN-imik aamma/imaluunniit ISDN-imik kiffartuussissuteqarnermut aammattaaq atuupput.

2. Pisariaqartinneqartut

Atuisunik matumuuna isumaqatigiissuteqarnermi atuisinnaasoqartariaqarpoq Tusass-p telefoneqarnermut kiffartuussivianut attaveqarsinnaatitsiffiata iluani. Tusass-p attaveqarsinnaatitsiffianik paasissutissiisoqarsinnaavoq Tusass-mut saaffiginninnikkut. Atuisoq – isumaqatigiissuteqarnerup nalaani kingusinnerusukkulluunniit – Tusass-p attaveqarsinnaatitsiffianik atuisinnaanngippat, Tusass kiffartuussissummik pilersuinissaminut pisussaaffeqanngilaq.

3. Tusass-p pilersuisussaataitanera

3.a. PSTN

PSTN atorlugu telefoneqarnermut kiffartuussivimmik atuisut immikkut ittumik tapiliussamik atuisunngorsinnaapput, atuisoq minnerpaamik ataatsimik akilertakkaminik PSTN-imik atuisuuffeqareersimappat. Najukkami B-normoqarfiusumi ataatsimi tapiliussamik ataatsimik taamaallaat atuisunngortoqarsinnaavoq.

Tapiliussamik atuisuunerup atuisoq periarfissippaa telefonimut allamik ataatsimik attavittaarnissaanut, tassungalu akilerneqassapput attavilerneqarnermut nalinginnaasumik aki aammalu oqaluussinernut atukkat, kisiannili atuisuunerup akiliut akilerneqassanani. Tapiliussamik atuisunngortoqartarpoq tamatigut najukkami ikkussiffiusussami aamma atuisup PSTN telefoniata normoqataanut. Tapiliussamik atuisunngortoqartarpoq nammineq immikkut telefonnormulimmik, taannalu akiliinikkut telefonnormunut allanut ilanngunneqarsinnaavoq. Tapiliussamik atuisuuneq allanik akikillisaavigineqarsinnaananilu nioqqutinik allanik ilaneqarsinnaanngilaq, soorlu internetimik telefoneqarnermilluunniit nalinginnaasumik.

3.b. ISDN-imut kiffartuussivik

ISDN-imik atuisuunerup pineqarput kiffartuussiviup digitalikkut attaveqaataanut (ISDN-imut attaveqaatinut) attaviliinerit ataasiakkaat amerlanerusulluunniit, taakkualu attaveqaatip iluani ilassutitut kiffartuussiviusunut atuisumillu atorneqarsinnaatinnegartunut periarfissiissutaasarput, kiisalu ilassutitut kiffartuussissutinik allanik atuisunngornissamut periarfissiisarlutik.

ISDN (Integrated Service Digital Network) tassaavoq nalunaarasuartaateqarnermi digitali atorlugu attaveqaat oqalunnernik, naqitanik, paasissutissanik assilissanillu nassiussissutigineqarsinnaasoq. ISDN2-mik aamma ISDN30-mik atuisunngortoqarsinnaavoq.

- ISDN2-mi kanalit oqaloqatigiinnernut atortartut marluk 64 kbit/s-inik sakkortussusillit (B-kanalit) aamma signalinut kanali ataaseq 15 kbit/s-imik sakkortussusilik (D-kanali) atugassiissutigineqartarput.
- ISDN30-imi kanalit oqaloqatigiinnernut atortartut 30-it 64 kbit/s-imik sakkortussusillit (B-kanalit) aamma signalinut kanali ataaseq 64 kbit/s-imik sakkortussusilik (D-kanali) atugassiissutigineqartarput. ISDN30 aatsaat pissarsiarineqarsinnaavoq, PABC-inut atortunik toqqaannartumik atassuteqaasiinernut atatillugu. Tusass-mut akuersissuteqarneq naapertorlugu attaviit allanut attartorteqeqqusaanngillat.

3.c. Atortut/kiffartuussinerit

Atuisuunerup toqqaarneqartumut tunngasumi Tusass-p nioqqutai pillugit naqitami, atortut/kiffartuussiviit sorliit atuisup atorsinnaanera takuneqarsinnaapput. Taakku tassaasinnaapput:

- Ingerlatitseqqinneq (atuisoq Kalaallit Nunaanni nunamiluunniit allami telefonianut ledningilimmu imaluunniit mobilnormuanut ingerlatitseqqissinnaaneranik periarfissinneqarpoq)

- Kasuttorneq (telefoni atorneqarpat atuisoq nammineertumik kalerrinneqassaaq sianertumik allamik utaqqisoqartoq)
- Oqaloqateqartilluni oqaloqatissamut allamut nuunneq (oqaloqatigiinneq utaqqigallartunngorneqarsinnaavoq telefonnormumullu allamut sianertoqarsinnaalluni, allamillu oqaloqatiginnereeraanni oqaloqatigisamut siullermut uterfiginnittoqarsinnaalluni)
- Aalajangersimasumut sianertartunngortitsineq (telefonip oqaluttarfia kivinneqaruni nammineertumik normumut aalajangersimasumut sianissaaq)
- Paasiuminaallisaalluni mattussisneq (paasiuminaallisaatit toortarneqanngippata telefoni sianertumik mattussissaaq)

Taakku saniatigut atuisoq akiliilluni atortunik/kiffartuussinernik allanik atuisinnaavoq, taakkulu tassaasinnaapput:

- Oqaluussisimanernut takussutissaaq, normut sianerfiusimasut allattornerat ilanngullugu
- Telefonip attavianik nuussineq
- Telefonnormumik allanngortitsineq
- Atuisuunermik tunniussineq

4. Atuisunut isumaqatigiissut

Atuisumik isumaqatigiissusiornissaaq Tusass-mit itigartitsissutigineqarsinnaavoq, atuisoq kiffartuussivinnik Tusass-p akuersissutaa naapertorlugu atuisimanerminut atasumik Tusass-mut akiitsoqareersimappat.

Tusass-mit qinnutigineqarneratigut atuisoq kinaassutsiminik, taamatullu paasissutissat eqqortuunerannik uppernarsaasinaassaaq. Kinaanermik uppernarsaatit assitallit atornissaat piumasarineqarsinnaavoq. Najugarisani allanngorpat atuisoq pisussaavoq erngerluni tamanna Tusass-mut nalunaarutigissallugu.

5. Atuisup akisussaaffia

Atuisuunermut normu kiisalu kodit/normut allat atuisuunermut attuumassutillit Tusass-mit atugassiarineqarput. Paasissutissanik taakkuninnga allat atornerluinerat atuisup akisussaaffigaa.

Atuisutut normu aammalu kodit/normut allat atugassanngorlugit Tusass-mit atukkiunneqartut Tusass-p pigisarai aammalu atuisumut tunngasunik susassaqarnerup uninnerani utertinneqartussatut isigineqarlutik.

Atuisup telefoneqarnermut kiffartuussivimmik atuneq nammineq akisussaaffigaa, tassungalugu tunngatillugu Tusass pisuni tamani annaasaqartittussaaganu.

6. Atuisup sumiginnaanera (Tusass-p matusisinnaatitaanera)

Ingerlatseqatigiiffiup akuersissummik pigisaqarnera naapertorlugu telefoneqarnermut kiffartuussivimmik Tusassp neqeroorutigisaanik atuisoq atuinermi pisussaaffimminik annertuumik sumiginnaappat, Tusass atuisup kiffartuussivimmik atuinernik mattussisinnaatitaavoq. Tamanna tunngavigalugu telefoneqarnermut kiffartuussivimmik mattussineq, piffissamut pineqartumut akiliummik appaaffineq ajorpoq.

Qulaani allasimasut naapertorlugit atuisup attavia matuneqarsimappat, atuisuunermut isumaqatigiissut Tusassp ilimasaaruteqaqqaarnani atorunnaarsinnaavaa. Tusass-p tamanut atuuttumik malitassiaani sumiginnaanermut aalajangersakkat aammattaq atuupput.

7. Atuutilerfia

Malitassat pineqartut Nalakkersuisunit akuerineqarput atuutsinneqalerlutillu ulloq 14. februar 2014.